

МЕСЯЦА МАРТА В 9-Й ДЕНЬ.

СВЯТЫХ 40 МУЧЕНИК, В СЕВАСТИЙСТЕМ ЕЗЕРЕ МУЧИВШИХСЯ

ВЕЧЕР

На Господи, возвах: предваряет самогласен дне, дважды, и мученичен, и подобны Троици 3, и святых мучеников на 4. Стихиры самогласны. Глас 2. Иоанна монаха:

Терпяще настоящая доблественне, * радующесе надеемыми, * друг ко другу глаголаху святии мученицы: * не бо риз совлачимся, * но ветхаго человека отлагаем. * Люта зима, но сладок рай, * болезнен лед, но сладко восприятие, * не уклонимся убо, о воини! * мало претерпим, * да венцы победными увяземся * от Христа Бога и Спаса душ наших.

Мещуще одеяния вся, * входяще без трепета во озеро, * друг ко другу глаголаху святии мученицы: * за рай, егоже погубихом, * риз тленных днесь не пощадим, * змия ради иногда тлетворнаго облечени бывше, * совлечемся ныне за всех воскресение, * пренебрежем лед растающийся и плоть возненавидим, * да венцы победными увяземся * от Христа Бога и Спаса душ наших.

Видяще яко наслаждение муки, * текуще ко озеру студену, яко к теплоте, * глаголаху святии мученицы: * не устрашимся часа зимнаго, * да страшныя геенны огня убежим; * сожжена буди нога, * да ликовствует вечно, * рука же отъемлема, * да воздеется ко Господу. * И не пощадим естества умирающаго, * изволим смерть, да венцы победными увяземся * от Христа Бога и Спаса душ наших.

Слава, глас тойже, первую стихиру: Терпяще настоящая:

И ныне, Богородичен: Прейде сень законная:

Вход. Прокимен. И чтения дне, и святых, 3.

Пророчества Исаина чтение (глава 43):

Тако глаголет Господь: вси языцы собрашася вкупе, и соберутся князи от них. Кто возвестит сия в них? Или, яже от начала, кто слышана сотворит вам? Да приведут свидетели своя, и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, егоже избрах. Да познаете и веруете Ми и разумеете, яко Аз есмь, прежде Мене не бысть ин бог, и по Мне не будет. Аз есмь Бог, и несть, разве Мене, спасаяй. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляяй. Сотворю, и кто отвратит то? Сице глаголет Господь Бог, избавляяй вас Святой Израилев.

Премудрости Соломони чтение (глава 3):

Праведных души в руже Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие – сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле, искуси их и, яко всеплодие жертвенное, прият я. И во время посещения их возсияют и, яко искры по стеблию, потекут. Судят языком и обладают людьми, и воцарится Господь в них во веки. Надеющиеся Нань, разумеют истину и вернии в любви пребудут Ему, яко благодать и милость в преподобных Его и посещение во избранных Его.

Премудрости Соломони чтение (главы 5 и 6):

Праведницы во веки живут, и в Господе мзда их, и попечение их у Вышняго. Сего ради примут Царствие благолепия и венец доброты от руки Господни, зане десницею покрывает я и мышцею защитит их. Приимет всеоружие – рвение свое и вооружит тварь в месть врагом. Облечется в броня правды и возложит шлем– суд нелицемерен. Приимет щит непобедимый – преподобие. Поострит же напрасный гнев во оружие, споборет же с ним мир на безумныя. Пойдут праволучныя стрелы молниины и, яко от благокругла лука облаков, на намерение полетят. И от каменометныя ярости исполнь падут грады. Вознегодует на них вода морская, реки же потопят я нагло. Сопротив станет им дух силы и, яко вихор, развеет их, и опустошит всю землю беззаконие, и злодейство превратит престолы сильных. Слышите убо, царие, и разумеите, навькните, судии концев земли. Внушите, держащии множества и горящии о народех язык. Яко дана есть от Господа держава вам и сила от Вышняго.

И прочее последование преждесвященныя.

Аще же не совершается Литургия преждесвященная, поем на стиховне Триади самогласен дне, дважды, и мученичен.

Слава, святых, глас 6:

В песнопениях восхвалим, вернии, * страсотерпцев четьредесять мучеников * и к ним сладкопесенно возопиим, глаголюще: * радуйтесь, страдальцы Христовы, * Исихие, Мелитоне, Иракие, * Смарагде и Домне, * Евнике, Уале и Вивиане, * Клавдие и Приске. * Радуйтесь, Феодуле, Евтихие и Иоанне, * Ксанфие, Илиане, Сисиние, * Кирие, Аггие, Аетие и Флавие. * Радуйтесь, Акакие, Екдикие, Лисимахе, * Александре, Илие и Горгоние, * Феофиле, Дометиане, и Божественный Гаие, и Горгоние. * Радуйтесь, Евтихие и Афанасие, * Кирилле и Сакердоне, * Николае и Валерие, * Филоктиме, Севериане и Худие. * Яко имущии дерзновение ко Христу Богу нашему, * мученицы всечестнии, * Того прилежно молити * спастися верою совершающим всечестную память вашу.

И ныне: Богородице, Ты еси лоза истинная:

По Ныне отпускаеши: Тропарь, глас 1:

Болезньми святых, имиже о Тебе пострадаша, * умолен буди, Господи, * и вся наша болезни исцели, * Человеколюбче, молимся.

Ин тропарь, глас 1:

Страсотерпцы всечестнии, * воины Христовы четьредесяте, * твердии оружницы, * сквозе бо огонь и воду проидосте * и Ангелом сограждане бысте, * с нимиже молитесь Христу о иже верою хвалящих вас * Слава Давшему вам крепость, * слава Венчавшему вас, * слава Подававшему вами всем исцеления.

Ин тропарь, глас 3:

Страсотерпцы Христовы четьредесяте, * во граде Севастийстем мужественно пострадавшии, * чрез огонь и воду прошедшии, * в покой вечный вшедшии, * молитесь о нас ко Господу, * да жизнь мирну сохранит * и души наша спасет, яко Человеколюбец.

Слава, и ныне, Богородичен.

Ектения, и три поклоны великия, и отпуст.

НА УТРЕНИ

На Бог Господь: тропарь святых, дважды.

Слава, и ныне, Богородичен и обычныя кафизмы.

По 1-й и по 2-й кафизмах седальны Троици. Ектении же не глаголем. По 3-й же кафизме глаголет иерей ектению малую.

Таже седален, глас 4.

Подобен: Явился еси днесь:

Честную твердь церковную, * яко звезды величайшия, просвещаете присно и верныя озаряете, * мученицы Божественнии Христовы четыредесяте.

Слава, глас тойже.

Подобен: Вознесыйся:

Мужественнейшим помыслом прешедше мучение, чуднии страсотерпцы, * сквозе огонь и воду проидосте и преминасте ко спасения широте, * наследие приемше Небесное Царство, * в немже творите о нас Божественныя мольбы, * мудрии четыредесяте.

И ныне, Богородичен:

Еже благодарно воспевати от сердца * и испросити прилежно, Богородице, Твоя милости, Владычице, * рабы Твоя зовущия и глаголющия: * Пресвятая Дево, предвари и избави от враг невидимых и видимых * и всякаго прещения, * Ты бо еси наше заступление.

Аще ли суббота, кроме первыя недели поста.

По 1-й кафизме седален:

Честную твердь церковную, * яко звезды величайшия, просвещаете присно и верныя озаряете, * мученицы Божественнии Христовы четыредесяте. [дважды]

Слава, и ныне, Богородичен:

В кров Твой, Пречистая Дево, прибегающих * мольбу приемлещи от нас: * не престай молящи Человеколюбца спасти рабы Твоя.

По 2-й кафизме, седален:

Мужественнейшим помыслом прешедше мучение, чуднии страсотерпцы, * сквозе огонь и воду проидосте и преминасте ко спасения широте, * наследие приемше Небесное Царство, * в немже творите о нас Божественныя мольбы, * мудрии четыредесяте.

Слава, и ныне, Богородичен:

Еже благодарно воспевати от сердца * и испросити прилежно, Богородице, Твоя милости, Владычице, * рабы Твоя зовущия и глаголющия: * Пресвятая Дево, предвари и избави от враг невидимых и видимых * и всякаго прещения, * Ты бо еси наше заступление.

:По полнелеи седален, глас 5.

Подобен: Собезначальное:

Святых мученик удобрение, четверосветлое се и Богособранное, * четыредесяти множество воин воистинну, * мразом же и огнем искусившися, мудрии, * показашася воины всех Царя Христа, * Егоже и молят спастися нам.

Слава, и ныне, Богородичен:

Себе прежде Суда ныне плачу, * помышляя моя дела лукавая и лютая * и прегрешений глубину, совозрастшую мне от юности, Чистая, * и сподавляющую ум, * но Твоим предстательством оставление мне подаждь * и спасение улучити сподоби.

Степенна, 1-й антифон 4-го гласа.

Прокимен, глас 4: Приидохом сквозе огонь и воду, * и извел ны еси в покой.

Стих: Разжегл ны еси, якоже разжизается сребро.

Евангелие от Луки, зачало 106.

Рече Господь Своим учеником: внемлите от человек, возложат на вы руки своя и ижденут, предающе на сонмища и темницы, ведомы к царем и владыкам, имене Моего ради, прилучится же вам во свидетельство. Положите убо на сердца ваших, не прежде поучатися отвещавати. Аз бо дам вам уста и премудрость, ейже не возмогут противитися или отвещати вси противяющиися вам. Предани же будете и родители и братиею и родом и други, и умертвят от вас. И будете ненавидими от всех имене Моего ради. И влас главы вашей не погибнет. В терпении вашем стяжите души ваша.

По 50-м псалме стихира самогласна, глас 2:

Пророчески убо вопияше Давид во псалмах: * приидохом сквозе огонь и воду, * и извел ны еси в покой. * Вы же, мученицы Христовы, * самими делы слово исполняюще, * приидосте сквозе огонь и воду и внидосте в Царство Небесное. * Темже молитесь, четыредесяте суще страдальцы, * даровати нам велию милость.

Канона два мучеников на 8. Первый канон, егоже краегранесие: Боговенчанный полк пою мучеников. Иоанна монаха. Глас 2.

Песнь 1

Ирмос: Грядите, людие, * поим песнь Христу Богу, * раздельшему море и наставльшему люди, * яже изведе из работы египетския, * яко прославися.

Боговенчанный полк пою мучеников Христовых, Богодухновенными песньми, четыредесяти, летнюю память светло торжествуяй, яко прославися.

На земли всего отвергшися именованя, изволиша четыредесяте христоименное звание, имже ныне в Вышних живут.

Сущии во Христе, плоть и мир возненавидевше, ветхаго убо человека совлекостеса со временною одеждою, во одежду же нетления облекостеса.

Богородичен: Кто изрещи Твое по достоинству возможет паче слова зачатие? Бога бо родила еси плотию, Пречистая, нам явльшагося, Спаса всех нас.

Другий канон, егоже краегранесие: Боговенчанный полк пою мученик. Кир Феофана, глас и ирмос тойже.

Бога нам, мученицы четыредесяте, ныне благопременна сотворите молитвами вашими, чистою сердца любовию призывающим вас.

На Небесех трисолнечнаго сияния зарями просвещаеми, четыредесяте, на земли измерзшия зимою напастей, покрыйте ны, поющия вы.

Неразорима благочестия и непоколебимая Церкви забрала, четыредесяте, христоименитое звание люте смущаемаго ныне умирите.

Богородичен: Преестественно над всеми сущаго родила еси Зиждителя и Господа, плоть бывша нас ради, человек, Дево Богородице Мати Неискусомужная.

Катавасия: Отверзу уста моя:

Песнь 3

Ирмос: Утверди нас в Тебе, Господи, * Древом умерщвлей грех, * и страх Твой всади * в сердца нас, поющих Тя.

Воинство, и жизнь, и красоту телес, и богатство пренебрегше, благославнии четыредесять Христа вместо всех наследоваша.

Камением нещадно четыредесяте повелением биеми мучителевым, метания Божиим Духом на повелевающия возвращахуся.

Глаголаше на самага, мучителевыми устнами змий создавшего хулу, но того богоборная уста на мученики каменьями сокрушаются.

Богородичен: Без семени во утробе Бога зачала еси и рождши несканно воплощася, на Негоже зрети не смеют, Чистая, Небесныя силы, Приснодево.

Ин, ирмос тойже.

Воинство мученическое и сопряженный личе мученик венценосец, Владыце предстояще, восхваляющия вы присно спасайте.

Езером страстей обуреваемии и волною напастей лютых, к вам, четыредесятем Христовым воином, прибегаем.

В недрах Авраамовых согриваемии и славною одеждою украшаемии, зимою обстояния связанных разрешити помолитесь.

Богородичен: Утверждение буди, и прибежище, и покров, Дево Богоневесто, верую к Тебе прибегающим и Божию Тя Матерь исповедающим.

Седален, глас 8.

Подобен: Премудрости:

Христу ввоинившися мученически, * врага низложивше страдальчески, * дела исполнисте пророка глаголы: * сквозе бо огонь и воду мужески проидосте, * покой обретше, жизнь нетленную. * Темже Небесными украшшися венцы, * с лики веселитесь безплотных, блаженнии стратотерпцы прехвальнии, * молитесь Христа Бога грехов оставление даровати * чтущим любовию святую память вашу.

Слава, и ныне, Богородичен:

В напасти многоплетенныя впад от враг видимых и невидимых, * бурею одержим безчисленных согрешений моих, * и яко к теплomu заступлению и покрову моему, Чистая, * ко пристанищу притекаю Твояя благости. * Темже, Пречистая, из Тебе Воплощенному безсеменно * молися прилежно о всех рабах Твоих, * непрестанно молящих Ти ся, Богородице Пречистая, * молящи Его присно согрешений оставление даровати * воспевающим достойно славу Твою.

Песнь 4

Ирмос: Услышах, Господи, * слух Твоего смотрения * и прославих Тя, * Едине Человеколюбче.

Умовредуете, — глаголаху страдальцы, — странную тщету всеу простирающе, пребезбожнейшии.

Изощрены мечи, и звери, и огонь, и крест святым Христовы гонители простираха.

Страшен нам,— глаголаху страдальцы,— огонь геенский, нынешняго же, яко клеветы, не убоимся.

Да отъяты будут руки, сожжена же буди нога,— святии вошяху,— нетленны бо сия паки приимем.

Богородичен: Молим Тя, Пречистая, Бога безсеменно заченшую, присно молитися за рабы Твоя.

Ин, ирмос тойже.

Просвещение нам, мученицы, от Бога бысте, в сияние бо облекостесь неприценное.

Богоизбранный, молися, соборе мученик венценосный, избавити бед воспевающия тя.

Свет неприступный, святии, Христов видети сподобльшися, сущия во тьме сияти удостойте.

Облистающе, славнии, мысленным Христа светонаставлением, к зари Божественней руководуйте.

Богородичен: Песнословяще, Чистая, из утробы Твоя воплощагоя, Тя славословим, яко Божию Матерь.

Песнь 5

Ирмос: Света Подателю и веков Творче, Господи, * во свете Твоих повелений настави нас: * разве бо Тебе, иного бога не знаем.

Неистовством пребезумным гонителей страдальцы под воздухом на студени обноществовати осудившися, воспеваху пение Богу благодарственное.

Радующися четыредешате Христовы мученицы, болезненный претерпевше лед, во езере стояще, надеждею Божественных венцев укрепляеми.

Смех предлагается четыредешатем Христовым мучеником, удавлен быв прежде гнездящийся в водах змий, пагубородныя бо крепости лишися.

Богородичен: Тебе, рождшей Христа, всех Зиждителя, зовем: радуйся, Чистая, радуйся, возсиявшая Свет нам, радуйся, вмещая Бога Невместимаго.

Ин, ирмос тойже.

Неистовства еретическаго, четыредешате, и ныне избавите Христову честную Церковь, в нейже рождшися, в толико достоинство и славу преминусте.

Явльшися нам, четыредешате Христовы мученицы Богозарнии, огневиднии светильницы, просвещают верным благочестия путь спасительный.

От земли преставистесь к Небесней сени, мученицы, идеже Христу Подвигоположнику предстояще, Божественныя мя радости уллучити сподобите.

Богородичен: Яко непостижимое и неудобозримое всякому, Владычице, еже паче ума таинство, Отроковице, Божественнаго Твоего рождества, сущаго бо воистинну Бога нам родила еси.

Песнь 6

Ирмос: В бездне греховней валяясь, * неизследную милосердия Твоего призываю бездну: * от тли, Боже, мя возведи.

Радостне началозлобный восхити, яко от двоюнадесяти Иуду окаянного, и от Едема человека, от четыредесяти отпадшаго.

Безстуден сый, всуе шатаясь, якоже бо разбойником и Матфием первее, тако и ныне мучитель стрегущаго званием осудися.

Суемудренный и рыдания достоин, иже животов обоих погреси, огнем бо растаяся и ко огню отыде негасимому.

Богородичен: Неискусомужно, Дево, родила еси и вечнуеши Дева, являющи истиннаго Божества, Сына и Бога Твоего, образы.

Ин, ирмос тойже.

Бодрствующии и трезвеннии хранителие рода человеческого явистеся, державнии, и молитвенницы молений, помощницы же печальных поставистеся.

Неприступными сияюще добротами в Церкви Христове, всехвальнии, искушений избавите с любовию вас почитающих.

Безящихся мучителей всеизряднии древле потребителие прелести бысте и нам ныне помощь скорая и стена будите.

Богородичен: На Тя упование возложих, Мати Приснодево, спасения моего и Тя Предстательницу положих жизни, твердо же и непоколебиму.

Кондак, глас 6.

Подобен: Еже о нас:

Все воинство мира оставльше, * на Небесех Владыце прилепистеся, * стратотерпцы Господни четыредесять, * сквозе огонь бо и воду прошедше, блаженнии, * достойно восприясте славу с Небес * и венцев множество.

Икос: На престоле неприступнем сидящему, * простершему Небо, яко кожу, * и землю утвердившему, * и собравшему воды в сонмы их, * вся от не сущих сотворшему быти * и всем подающе дыхание и живот, * приемлющему от Архангел пение, и от Ангел покланяемому, * и от всех славимому, Христу Вседержителю, * Зиждителю и Богу нашему, припадаю, недостойный, * принося мое моление, слова благодати прошу: * да возмогу благочестно воспети и аз святых, * яже Сам показав победители, * даровав им славу с Небес и венцев множество.

Песнь 7

Ирмос: Образу златому, на поле Деире служиму, * трие Твои отроцы небрегоша безбожнаго веления, * посреде же огня ввержени, орошаеми, пояху: * благословен еси, Боже отец наших.

Ужасеся, зря венцы, страж четыредесяти, и, отринув любожизненное, вперися рачением явленныя Твоя славы, и с мученики пояше: благословен еси, Боже отец наших.

В баню притек душетленну, умерщвляется жизнелюбный; христоробец же, хищник изряднейший виденных быв, якоже в бани нетления с мученики пояше: благословен еси, Боже отец наших.

Огню мысленному, возжжену во умех четыредесяти, многокозненное нечествующих поपालяшея безумие, якоже некий воск таемь. Тебе же, Христе, воспеваху: благословен еси, Боже отец наших.

Яко зело светла, благолепна же, Христе, Креста Твоего сила, противными венцы плетуши четыредесятым мучеником. Воду бо и огонь прошедше, в нетлении зовут: благословен еси, Боже отец наших.

Богородичен: Тя купину Моисей в горе Синайстей огнепалимую, Чистая, предзряше, понесшую неопально нестерпимую зарю неизреченнаго Существа, соединившагося дебелству плоти, единыя в ней святых Ипостасей.

Ин, ирмос тойже.

Наста светло летняя ваша память, всебогатию, просвещающе далече сияющая поста светлостию. Сию празднующе верою, с вами воспеваем: благословен еси, Боже отец наших.

Решительие страстей и светильницы, издалеча сияющи, мира очищение, прелести разрушение, велегласнии истины проповедницы, ажи прогонительие всем явистеся, поюще: благословен еси, Боже отец наших.

Светила мысленная, сияюще нам, явистеся, мученицы, обуреваемыя спасаете и наставляете плавающия, жития волнующияся бурю, Христу воспевающе: благословен еси, Боже отец наших.

Красно Богу и Ангелом возжеленно, четыредесяте Богособранное, и Богодухновенное, и пресветлое ополчение, Божественное и страшное всеоружие вопиюще и глаголюще: благословен еси, Боже отец наших.

Богородичен: Светильник Света, и облак светел, и священния место показася, Неискусобрачная, ибо святых Святаго Слова прият несказанно. Егоже поюще, зываем: благословен еси, Боже отец наших.

Песнь 8

Ирмос: В пещь огненную ко отроком еврейским низшедшаго * и пламень в росу предложшаго Бога, * пойте, дела, яко Господа, * и превозносите во вся веки.

Неистовно страдальцем поустив враг всяко здание, всеми постыдешя, четыредесять бо непрестанно поют Господа и превозносят во вся веки.

Немилостивно за Христа телес ваших уды сокрушешя, всесожжение Божественно принесостеся Богу, со Ангелы присно ликуете, мученицы, поюще Христа во веки вся.

Крепостию смысла, егоже роди, на рамена вземши, христоролюбивая мати, благочестия плод приносит, с мученики мученика, священнодействию Авраамову подобящияся.

К непрестанней жизни правотечно, о сыне, твори шествие,— христоролюбивая мати христоролюбивому детищу вопияше,— не терплю тебе второе, Подвигоположнику Христу явитися.

Богородичен: Иже в недрах Отчих нераздельно же Сына сидящаго, в вещественнем чреве Твоем всельшася, Чистая, поем, Дево Богоневесто, и превозносим во вся веки.

Ин, ирмос тойже.

Претворшеса к жизни истинней, еже о Христе ныне сокровенней, к зимней и болезненной кончине, доблии, крепко вдастеса, спасения и оставления просяще нам.

От земли к Небесным прешедше, страдальцы венценосцы, Церкви мученик победоносных личе, бед, страстей, обстояний избавления просите нам и спасения.

Расторг смерти узы Спас, страдальцем победы подаде на смерть, čtyредесять бо, мразом согреваеми, пояху и спасения всем верным просяще.

Напастей прилоги, нападение страстей, демонов искушения Божественный страстоносец лик молитвою изымает яве от поющих Христа во веки.

Богородичен: Умерщвления и к персти смертней и тлению сведеня воскресила еси, Едина, Начальника жизни рождши, Христа Бога нашего, Владычице Дево, Чистая Богородительнице.

Песнь 9

Ирмос: От Бога Бога Слова, * неизреченною мудростию пришедшаго обновити Адама, * ядию в тление падшаго люте, * от святыя Девы неизреченно воплотившагося нас ради, * вернии, единомудренно песньми величаем.

За Христа обнажившеса и камением биени бывше, воздушную претерпесте зимность, водный лед и сокрушение удес и, огнем опальшеса, в речней сияете быстрине издалеча, якоже светила, мученицы čtyредесяте.

Жезл силы Божественныя, Крест стяжавше, вопияху Христу страдальцы čtyредесяте: Владыко Всесильный Победителю, рукою Твоею да венчаемя, да вси Тя песньми непрестанно величаем.

Яко болезнен убо лед, якоже зело безмерна лютость, юже претерпесте, мраза, но сладок рай, Аврамова бо недра патриарха греют вас в селех вечных, мученицы čtyредесяте.

Победивше страданьми и венцы приимше от Божественныя Владычни десницы, ныне даровати молитеса мир миру и нам спасение, мученицы čtyредесяте.

Богородичен: Невесто Мати Дево, Ангельская множества Твоего молят Сына, приими моление наше, едина надежде верных, и мир миру и нам спасение, Тебе любящим, даруй.

Ин, ирмос тойже.

Преестественныя зари, и радости несказанныя, и славы сподобистеса улучшить, ныне же любовию чтущия вас напастей, и бед, и лукавствия избавите вражия, Христовы воины, мученицы čtyредесяте.

Силу, пребогатии, Божественную с Небесе приемше и крепость, союзницы Христовы, льсти прогонителие бысте, отгоняще всяку идольскую мглу непостоянную и просвещающе мир, мученицы čtyредесяте.

Украшшеса добротою честнаго мучения и Божественнаго причастицы бывше естества, воистинну радуется, Свету срастворившеса светлейшему и чистому, Христовы воины, мученицы čtyредесяте.

Ныне Христу предстояще благочестивым дерзновением и отонуду Божества светом облистаеми, славнии, восхваляющия вы зарею осветитися трисиянною прилежно молитесь, мученицы четыредесяте.

Богородичен: Явльшийся, Дево, души моя примрак света Твоего невестственными блистаньми озари, двере Божественнаго Света, и огня вечнаго избавитися сподоби, Чистая, верою и любовию песньми Тя величающаго.

Светилен.

Подобен: Жены, услышите:

Десятицу четверочисленную, победоносный полк, * воинство святых мученик воспоим достойно, * огнем бо, и студению, и водою посрамиша враждебных полки * и от Христа Спаса венцы прияша славы.

Слава:

Лик четверодесяточисленный мучеников четыредесяти, * Пребожественныя Троицы добродетелей четверичных, * огня, воздуха, воды и земли, стихий четырех, * песньми Божественными да воспоется, * яко за Христа пострадавший, всех Владыце.

И ныне, Богородичен:

Владыку вся твари рождши, Мати Дево, * и всяческих, яко сущи Отроковица, * о Владычице Богородице, страстей мучительствующих мя исхити * и проводи к милосердия осиянию * и к прекрасной пасце воскресшего Сына Твоего.

На хвалитех стихиры на 4, глас 5.

Подобен: Радуйся, постников:

Приидите, мученический, братие, * с похвалами воспоим полк, * мразом и огнем опальшийся * и прелести зиму разжженною ревностию поपालивший, * воинство доблественнейшее, священнейший собор, * защипение же неразрушимо и непобедимо, * веры забрала и хранители, * мученик четыредесяти лик Божественный, * Церкви ходатая, * сильне молящая Христа * низпослати душам нашим мир и велию милость.

Радуйся, соборе крепкий и терпеливый * и победительное ополчение, * столпы благочестия, * воины Христовы, * твердии оружицы и непобедимии, * умом пресильнии и душею мужественнейшии, * воистинну Божественнии, * Богу возжеланный лик святой, * Богоизбранный сонм, мученицы четыредесяте, * иже равны страданием, равны и нравом, * и, равныя и венцы приемше, * Христа молитесь * даровати душам нашим мир и велию милость.

Радуйся, победоносное множество, * иже на бранех добле мужествовавшие, * звезды, прошедше сквозе огонь и студень * и водный лед разсыпавше, * землю онебесивше и вся просветивше, * в недрах Авраамовых ныне греемии * и со Ангельскими ликующе воинствы, * мученицы четыредесяте, * цветы, дышающии благовоние сущо духовнаго раздаяния, * Христа молитесь * душам нашим даровати велию милость.

Слава, глас тойже, самогласен. Иоанна монаха:

Стратотерпцы Христовы, * всечестный пост светльший * соделасте памятию вашего славнаго страдания, * четыредесять бо сущи, четыредесятицу освящаете, * спасительней страсти уподобившися * вашим за Христа страданием. * Темже, имущи

дерзновение, * молитесь в мире достигнути нам * в тридневное воскресение Бога и Спаса душ наших.

И ныне, Богородичен:

Блажим Тя, Богородице Дево, * и славим Тя, вернии, по долгу, * град непоколебимый, * стену неборимую, * твердую Предстательницу и прибежище душ наших.

На стиховне, в Троици самогласен, дважды, и мученичен.

Слава, святых, глас 2, самогласен.

Истины чашею от своих кровей, * огнем мучений и водным ледом верныя напоиша * четверочисленная бо десятица, поюще песнь Спасу, * един убо ум всем, * в телесех же мнозех принесошася Христу, * и богоневестная мати * христоролюбиваго отрока на рамена взявши, глаголаше: * гряди, страдальче, и постражди с прочими.

И ныне, Богородичен:

Непроходимая врата, * тайно запечатствованная, * благословенная Богородице Дево, * прими моления наша * и принеси Твоему Сыну и Богу, * да спасет Тобою души наша.

Таже, Благо есть: Трисвятое, тропарь, ектеня и три поклоны великия, час 1-й с кафизмою, и отпуст.

Во время же свое бывают 3-й, 6-й и 9-й часы, по чину их с кафизмами, и блаженны поскорю и прочее. На коемждо часе по 3 поклоны великия. В тойже день на вечерни, по обычной кафизме, На Господи, возвах: ставим стихов 10. И поем Троици самогласен дне, дважды, и мученичен, и подобны 3. И святых мучеников 4.

Стихиры, глас 1:

Лик четверодесятосиянный, * воинство все богособранное * спросия посту страданьми честными, * освещающ и просвещающ, души наша.

Глас 2:

Езеро, яко рай, и зимность, яко зной, * мученицы вмениша, Христе Боже, * не устрашиша помысла их томителей прещения, * не убояшася, доблии, мук приложений, * оруженосный стяжавше Крест, * тем бо врага яко крепцыи победиша, * темже и венцы прияша благодати.

Четверодесяточисленный лик мученик * кто не воспоет? * В воду бо езера внидоша дерзостне * и, мразом стесняеми, * песнь воспеваху Господу: * еда в реках прогневаешися на ны, Господи? * еда в реках прогневаешися на ны, Человеколюбче? * облегчи тяжесть и горесть воздуха, * своею бо кровию обагришася наши ноги, * и введи ны, Боже, в вечныя Твоя кровы, * да недро ны согреет патриарха Авраама.

Слава, глас тойже.

Пророчески убо вопияше Давид во псалмех: * приходом сквозе огонь и воду, * и извел ны еси в покой. * Вы же, мученицы Христовы, * самими делы слово исполняюще, * придосте сквозе огонь и воду * и внидосте в Царство Небесное. * Темже молитесь, четыредесяте суще страдальцы, * даровати нам велию милость.

И ныне, Богородичен: Все упование мое:

* * *

Аще к среде или к пятку, Крестобогородичен, писан сего месяца в 14-й день. Вход со Евангелием. Прокимен дне и чтения Троицы. И Да исправится молитва моя: Посем прокимен, глас 5: Ты, Господи, сохраниши ны * и соблюдеши ны от рода сего и во век. Стих: Спаси мя, Господи, яко оскуде преподобный. Апостол ко Евреям, зачало 331. Аллилуия, глас 4: Воскликните Господеви, вся земля, пойте же имени Его. Стих: Яко искусил ны еси, Боже, разжегл ны еси, якоже разжизается сребро. Евангелие от Матфея, зачало 80. И прочее Божественная Литургия преждесвященных. Причастен: Радуйтесь, праведнии, о Господе:

МОЛИТВА

О, святии, славнии страстотерпцы Христовы, четыредесяте, во граде Севастии Христа ради мужественно пострадавшии, чрез огонь бо и воду проидосте и, яко друзи Христовы, в покой Небеснаго Царствия вшедше, имате велие дерзновение ко пресвятей Троице ходатайствовати о роде христианском, наипаче же о почитающих святую память вашу и с верою и любовию вас призывающих. Испросите у Всецедраго Бога прощение согрешений наших и жития нашего исправление, да, в покаянии и нелицемерной любви друг ко другу поживше, со дерзновением предстанем Страшному Судищу Христову и вашим предстательством одесную Праведнаго Судии предстанем. Ей, угодницы Божии, будите нам защитницы от всех враг, видимых и невидимых, да под кровом святых ваших молитв избавимся от всех бед, зол и напастей до последняго дне жизни нашея и тако прославим великое и достопоклоняемое Имя Вседетельныя Троицы, Отца, Сына и Святаго Духа, ныне и присно и во веки веков. Аминь.

* * *

Аще случится 40 мученик 1-я седмицы в кой-любо день, и поется служба их в субботу, со святым мучеником Феодором Тироном.

В пяток вечера кафизма рядовая. На Господи, воззвах: стихиры на 10, и поем Троицы самогласен дне, дважды, и мучеников на 4, и Феодора на 4. Слава, Феодора. И ныне, Богородичен первый, гласа. Вход, прокимен, и чтения дне, и мучеников 3. И по Да исправится молитва моя: 3 поклоны великия. И прочее преждесвященных. По заамвонней молитве поем канон святаго Феодора над коливом, якоже указаси в 40-це на ряду, и отпуст.

ЗРИ: А идеже несть преждесвященных, вечера на Господи, воззвах: стихиры мучеников 3 и Феодора 3. Слава, Феодора. И ныне, Богородичен 1-й гласа прешедшаго, без входа. Прокимен, и чтения дне, и мучеников. На стиховне самогласен дне, дважды, и мученичен. Таже припев, и поем стихиру Феодора: Божественных даров: писана на Господи, воззвах: Слава, мучеников, глас 6: В песнопениях восхвалим: По Ныне отпускаеши:

тропарь мучеников. Слава, Феодора. И ныне, Богородичен: Вся паче смысла: Ектения, и три поклоны великия, и поем канон святаго Феодора над коливом, и отпуст, по обычаю.

Повечерие поем великое. На повечерии поем канон усопших и Минеи рядовый. Тропари же по 1-м, и по 2-м трисвятом, глаголем обоих святых, а на последнем трисвятом— кондак мучеников.

На утрени, на Бог Господь: тропарь мучеников, дважды. Слава, Феодора. И ныне, Богородичен: Вся паче смысла: По 1-й кафизме седальны мучеников

оба. Слава, и ныне, Богородичен и чтение мучеников. По 2-й кафизме седалны Феодора. Слава, и ныне, Богородичен и чтение мучеников или Феодора. Полиелей и седален мучеников, дважды. Слава, и ныне, Богородичен и чтение мучеников. Степенна, 1-й антифон 4-го гласа. Прокимен, и Всякое дыхание: и Евангелие мучеников. Псалом 50. Стихира мучеников. Каноны мучеников, со ирмосом на 6, и Феодора оба канона на 8. Катавасия: Отверзу уста моя: песни же 7-ю и 8-ю глаголем наперед в пяток. По 3-й песни кондак, и икос, и седален мучеников. Слава, Феодора. И ныне, Богородичен, и чтение о святем Феодоре. По 6-й песни кондак Феодора, и икос, и чтем пролог, и синаксарий. По 9-й песни светилен мучеников. Слава, Феодора. И ныне, Богородичен. На хвалитех стихиры мучеников 3, глас 5, Подобен: Радуйся: и Феодора подобны 3, таже припев: Приидохом сквозе огонь и воду: И поем самогласну стихиру мучеников: Стратотерпцы Христовы: Слава, Феодора. И ныне, Богородичен. Славословие великое, тропарь мучеников. Слава, Феодора. И ныне, Богородичен. Ектении, и отпуст, и обычное исхождение в притвор, и час 1-й.

На часех тропарь мучеников. Слава, Феодора. И ныне, Богородичен часов. Кондаки же глаголем, прменяюще.

На Литургии: Блаженны мучеников, песни 3-я, на 4, и Феодора 6-я, на 4. По входе тропарь мучеников, и Феодора, и кондак его. Слава, мучеников. И ныне, Богородицы храма, или Предстательство христиан: Прокимен, аллилуия, и причастен мучеников и Феодора. Апостол и Евангелие прежде субботы и Феодора под зачало, таже мучеников.

* * *

Аще ли случится 40 мучеников в 1-ю неделю постов.

И поется служба их, якоже указано в неделю 3-ю постов, кроме поклонения Креста, точию на литии. Слава, мучеников, писана на Господи, воззвах: И ныне, Триоди. На стиховне, Слава, мучеников. И ныне, Триоди. На Бог Господь: тропарь воскресен, дважды. Слава, мучеников. И ныне, Пречистому Твоему образу: Катавасия Триоди.

* * *

Аще ли случится 40 мучеников в понедельник 2-я, или 3-я, или 4-я, или 5-я, или 6-я недели постов.

В неделю вечера поем, Блажен муж: 1-й антифон. На Господи, воззвах: стихиры на 10, Триоди дне на 4, повторяюще 1-ю, и мучеников на 6. Слава, мучеников. И ныне, Богородичен: 1-й. Вход, прокимен великий Триоди. И чтения мучеников 3. Таже, Сподоби, Господи, в вечер сей: и Исполним вечернюю: На стиховне Триоди самогласен дне, дважды, и мученичен. Слава, мучеников. И ныне, Богородичен, по гласу, воскресен. По Отче наш: тропарь мучеников. Слава, и ныне, Богородичен воскресен. Ектения: Помилуй нас, Боже: и поклоны 3 великия, и отпуст.

Полунощницу же поем по обычаю с кафизмою и тропари обычныя. По Честнейшую: 3 поклоны великия.

На утрени, на Бог Господь: тропарь мучеников, дважды. Слава, и ныне, Богородичен. По 1-й и по 2-й кафизмах глаголем седалны Триоди, ектении же не глаголются. И чтение во Ефреме. По 3-й кафизме глаголет иерей ектению малую, и седалны мучеников оба, и чтение мучеников. Полиелей, и седален

мучеников, дважды. Слава, и ныне, Богородичен, и чтение мучеников. Степенна, 1-й антифон 4-го гласа. Прокимен и Евангелие мучеников. Таже псалом 50. Стихира мучеников. Каноны мучеников со ирмосом на 8. Катавасия: Отверзу уста моя: а идеже трипеснец, и поем канон мучеников со ирмосом на 6 и трипеснец на 8. Катавасия Триоди. По 3-й песни седален мучеников, дважды. Слава, и ныне, Богородичен и чтение мучеников. По 6-й песни, кондак, и икос, и пролог. Светилен мучеников, дважды. Слава, и ныне, Богородичен. На хвалитех стихиры мучеников, на 4. Слава, мучеников. И ныне, Богородичен его. Таже настоятель или чтец глаголет: Слава Тебе, показавшему нам Свет. Посем, ектения: Исполним утреннюю: таже на стиховне, самогласен дне, дважды, и мученичен. Слава, мучеников. И ныне, Богородичен. Посем: Благо есть: глаголем единожды. По Отче наш: тропарь мучеников. Слава, и ныне, Богородичен воскресен. Ектения: Помилуй нас, Боже: и три поклоны великия, и час первый.

На часех тропарь глаголем мучеников и по трисвятом кондак их. И на конец 3 поклоны великия и по поклонех трисвятаго не глаголем, но глаголем: Христе, Свете: и отпуст.

Часы же 3-й, 6-й и 9-й поем с кафизмами, в подобное их время, со чтением.

На 6-м часе чтется паремия дне, по чину ея.

Молитвы же Великаго Василия по часех глаголем непременно, еже есть: Владыко Боже, Отче: и Боже и Господи сил: и Владыко Господи, Иисусе Христе:

Егда же поем полиелей, на часех в кампан не ударяем.

По кафизме чтец глаголет: Слава, тропарь мучеников. И ныне, Богородичен часов. По Отче наш: кондак мучеников. По Честнейшую: 3 поклоны великия. По 9-м часе Блаженны глаголем поскору без пения. По Ослаби, остави: кондак храма. Слава, мучеников. И ныне, храма Богородицы. (Аще ли несть храма Богородицы, И ныне, Предстательство христиан) Посем Господи, помилуй, 40. Слава, и ныне: Честнейшую Херувим: и 3 поклоны великия, таже молитва: Всесвятая Троице: И начинаем вечерню, по обычаю. Настоятель или чтец глаголет: Приидите, поклонимся: трижды. И поем вечерню с поклоны, по чину постному. По обычной кафизме, на Господи, возвах: стихиры на 10. Триоди самогласен дне, дважды, и мученичен, и подобны Триоди, 3, и мучеников 4. Слава, мучеников. И ныне, Богородичен, по гласу обычный. (Аще ли к среде или пятку, глаголем Крестобогородичен, по гласу Славника). Вход со Евангелием. Свете тихий: Прокимен и чтение дне. Да исправится молитва моя: и 3 поклоны великия, ектении малыя не глаголем. Прокимен, Апостол, аллилуия, Евангелие и причастен мучеников. Литургия преждесвященная, по обычаю. На отпусте иерей поминает прежде празднуемых святых, потом наставшаго.

Святаго же, прилучившагося на ряду, канон поем на утрени по чину. Стихиры же его, яже писаны, вечер на Господи, возвах: глаголем их на хвалитех.

Аще ли коея великия ради нужды, в памяти святых великих, имущих полиелей, не случится быти преждесвященной Литургии. Часы поем, якоже выше речеся. По 9-м часе и по молитве: Владыко Господи Иисусе Христе: глаголем и псалом: Благослови, душе моя, Господа, и вся внутренняя: Слава: Хвали, душе моя, Господа: И ныне: Единородный Сыне: и Во Царствии Твоем: поскору без пения. На Блаженных глаголем мучеников песни 3-ю и 6-ю. Таже Апостол и Евангелие

мучеников. Посем, Помяни нас, Господи: По Ослаби, остави: и по Отче наш: Кондак храма. Слава, мучеников. И ныне, Богородицы храма. (Аще же несть храма Богородицы, Предстательство христиан Таже, Господи, помилуй, 40, и поклоны 3 великия. И в то время параклисиарх знаменует в два кампана. И по 3-х поклонех великих, глаголем: Приидите, поклонимся: И поем вечерню с поклоны, и кафизму обычную. На Господи, воззвах: стихиры Триоди, подобны 3. И святого, егоже наста память, 3. Слава, и ныне, Богородичен. (Аще ли к среде или пятку глаголем: Слава, и ныне, Крестобогородичен). Таже, Свете тихий: Прокимен, и чтение Триоди, дне. На стиховне дне Триоди. По Ныне отпущаеши: и по Отче наш: Тропарь, Богородице Дево, радуйся: и прочее по постному. По Честнейшую: и по поклонех глаголем трисвятое. Господи, помилуй, 12. Всесвятая Троице: Таже, Буди Имя Господне: и 3 поклоны. И Благословлю Господа: Достойно есть: И отпуст. На отпусте же поминает наставшаго святого. По отпусте же входим в трапезу, и ядим два варения с елеем, и пием вино. В среду же и пяток ядим два варения без елея и пием вино.

* * *

Аще ли случится 40 мучеников во един от дней постных, поем службу их сице:

На часех по Ослаби, остави: и по Отче наш: кондаки по уставу. Таже, Господи, помилуй, 40. Слава, и ныне, Честнейшую Херувим: И по поклонех глаголем трисвятое. Господи, помилуй, 12, и Всесвятая Троице: и абие начинаем вечерню и обычную кафизму, глаголются же ектении малыя по коемждо антифоне. На Господи, воззвах: стихиры на 10, самогласен дне, дважды, и мученичен, и подобен Триоди, 3, и мучеников, 4. Слава, мучеников. И ныне: Прейде сень законная: Вход. Таже прокимен, и чтения дне, и мучеников чтения 3. Таже поем: Да исправится молитва моя: и 3 поклоны, и порядку Литургия преждесвященная. А идеже не будет преждесвященная, по Ослаби, остави: и по поклонех великих, чтец глаголет: Приидите, поклонимся: трижды, и поклоны 3. Таже псалом: Благослови, душе моя, Господа: И поем вечерню без поклонов. По обычной кафизме стихиры на 6, Триоди подобны, 3, и мучеников, 3. Слава, мучеников, И ныне, Богородичен воскресен. Вход и Свете тихий: Прокимен, и чтения дне, и мучеников; и абие, Сподоби, Господи: Таже, Исполним вечернюю молитву: На стиховне Триоди. Слава, мучеников. И ныне, Богородичен по гласу. Ныне отпущаеши: По трисвятом тропарь мучеников. Слава, и ныне: Гавриилу вещавшу: ектения: Помилуй нас, Боже: Посем 3 поклоны великия и молитва: Всесвятая Троице: и Благословлю Господа: Достойно есть: и отпуст.

Повечерие поем великое без поклонов. По 1-м трисвятом тропарь мучеников. Слава, и ныне, Богородичен воскресен, по гласу. По 2-м трисвятом тропари обычныя: Помилуй нас. Господи: По Достойно: и по трисвятом кондак мучеников. Господи сил, с нами буди: не поем. По Честнейшую: 3 поклоны великия. Трисвятого же не глаголем, а отпуст малый.

Полунощницу же поем по обычаю с кафизмою, якоже предписая в понедельник 2-я недели поста. Такожде и утреню, и всю службу мучеников.

* * *

Аще ли случится 40 мучеников в субботу 2-ю, или 3-ю, или 4-ю постов.

В пяток вечера кафизма рядовая. На Господи, возвах: стихиры на 10: Триоди самогласен, дважды, и Октоиха мученичны 4, и мучеников, 4. Слава, мучеников. И ныне, Богородичен 1-й, гласа. Вход. Прокимен, и чтения дне, и мучеников, 3. Да исправится молитва моя: и прочее преждесвященных.

Аще ли несть преждесвященных, в пяток вечера, на Господи, возвах: стихиры мучеников на 6. Слава, мучеников. И ныне, Богородичен 1-й, гласа. Вход. Прокимен, и чтение дне, и святых. Таже, Сподоби, Господи: На стиховне самогласен Триоди, дважды, и мученичен Октоиха по гласу. Слава, мучеников. И ныне, Богородичен воскресен. По Ныне отпущаеши: тропарь мучеников. Слава, и ныне, Богородичен воскресен настоящего гласа, ектеня и поклоны 3. Таже молитва: Всесвятая Троице: Буди Имя Господне: и псалом 33: Благословяю Господа: Достойно есть: И отпуст.

Повечерие же поем великое, на немже поем четверопеснец субботы.

На утрени и на часех поем службу единых мучеников, якоже предписася.

На Литургии служба дне и мучеников.

* * *

Аще ли случится 40 мучеников во 2-ю, и 4-ю, и 5-ю неделю постов.

В субботу вечера на малей вечерни стихиры воскресны и Богородицы по обычаю.

На велицей вечерни На Господи, возвах: стихиры воскресны, 3, и восточен един, Анатолиев, и мучеников на 6. Слава, мучеников. И ныне, Богородичен 1-й, гласа. Вход, и чтение мучеников. На литии стихира храма и мучеников стиховныя. Слава, мучеников, писана по 50-м псалме. И ныне, Богородичен. На стиховне стихиры воскресны по алфавиту. Слава, мучеников. И ныне, Богородичен. На благословении хлебов Богородице Дево: трижды, и чтение во Апостольских Посланиях.

На утрени на Бог Господь: тропарь воскресен, дважды. Слава, мучеников. И ныне, Богородичен по гласу тропаря. По кафизме седальны воскресны и Богородичны их. И чтение во Евангелии. Полиелей и седальны мучеников оба. Слава, по полиелеи седален. И ныне, Богородичен. И чтение мучеников. Степенна, и прокимен гласа, и Евангелие воскресно. Псалом 50. Слава, стихира, глас 8: Покаяния отверзи ми двери: и прочая. Канон воскресен со ирмосом на 4, и Триоди на 4, и мучеников на 6. Катавасия: Отверзу уста моя: По 3-й песни кондак и икос, седален мучеников, дважды. Слава, и ныне, Богородичен. И чтение мучеников. По 6-й песни кондак и икос воскресен. По 9-й песни светилен воскресен. Слава, мучеников. И ныне, Богородичен воскресен. На хвалитех стихиры воскресны 4 и мучеников со Славным 4 с припевы их. Таже припев: Воскресни, Господи Боже мой: И поем самогласну стихиру Триоди. Слава, туужде. И ныне: Препоблагословенна еси: Славословие великое. Тропарь воскресен, ектеня и отпуст. И исхождение в притвор. Слава, и ныне, стихира евангельская. И час 1-й. Тропарь воскресен. Слава, мучеников. И ныне, Богородичен часов. По Отче наш: кондак дне и совершенный отпуст.

На Литургии: Блаженны гласа, на 6, и мучеников песнь 3-я, на 4. И прочая служба дне и мучеников.

Святого же Григория служба поется, егда разсудит еклисиарх, или мучеников службу поем в субботу 2-ю, такожде и 4-ю и 5-ю недели, службы Троицы святых оставляются и поется служба мучеников по уставу.

* * *

Аще ли случится 40 мучеников в неделю 3-ю постов, крестопоклонную.

В субботу вечера на малой вечерни стихиры на Господи, воззвах: и на стиховне – все Троицы по обычаю.

На велицей вечерни по кафизме на Господи, воззвах: стихиры воскресны 3, и Креста 4, и мучеников 3. Слава, Креста. И ныне, Богородичен 1-й, гласа. Прокимен дне и паремии мучеников. На литии стихира храма и мучеников хвалитны. Слава, мучеников. И ныне, Креста. На стиховне стихиры воскресны. Слава, мучеников. И ныне, Креста. На благословении хлебов: Богородице Дево: дважды, и Креста, единожды: Спаси, Господи, люди Твоя:

На утрени на Бог Господь: тропарь воскресен, дважды. Слава, мучеников. И ныне, Креста. По кафизмах седальны воскресны и Богородичны их. И чтение во Евангелии толковом. Полиелей мучеников и седальны оба. Слава, и ныне, Богородичен, и чтение мучеников. Степенна гласа. Прокимен и Евангелие воскресно. Воскресение Христово: Псалом 50. Покаяния отверзи ми двери: Канон воскресен, со ирмосом на 4, и мучеников на 4, и Креста на 6. Катавасия Креста: Божественнейший прообрази: По 3-й песни кондак мучеников, и икос, и седален, дважды. Слава, и ныне, Креста и чтение мучеников. По 6-й песни кондак Креста и икос. На 9-й песни поем Честнейшую: Светилен воскресен. Слава, мучеников. И ныне, Креста. На хвалитех стихиры воскресны 4 и Креста подобны 3, 1-й дважды, с припевы их. Таже припев: Воскресни, Господи Боже мой: и поем самогласну стихирю дне Троицы. Слава, туюжде. И ныне, Препоблагословенна еси: Славословие великое, трисвятое пением. Посем вход. И глаголем тропарь: Спаси, Господи, люди Твоя: трижды. И бывает поклонение честнаго Креста по обычаю, якоже явствует в Троицы. Таже ектении, и отпуст, и исхождение. Слава, и ныне, стихира евангельская, и поучение Студитово. И час 1-й в притворе.

На часех тропарь воскресен. Слава, Креста. И ныне, Богородичен часов. По Отче наш: кондак воскресен. На 3-м часе тропарь воскресен. Слава, мучеников. И ныне, Богородичен часов. По Отче наш: кондак мучеников. Такожде и на прочих часех глаголем, прменяюще.

На Литургии: Блаженны гласа на 4, и Креста песнь 3-я на 4, и мучеников песнь 6-я на 4. По входе тропарь воскресен, и Креста, и мучеников. Таже кондак воскресен. Слава, мучеников. И ныне, Креста. Прокимен, Апостол, аллилуия, Евангелие и причастен прежде Креста, потом мучеников.

* * *

Аще ли случится святых 40 мучеников в среду 4-ю постов.

Поем службу их прежде во вторник той седмицы, точию во вторник вечера, на Господи, воззвах: стихиры, самогласен дне Троицы, дважды, и Креста 4, и мучеников 4. Слава, мучеников. И ныне, Креста. Другия же стихиры Креста поем в среду на хвалитех. Таже вход, прокимен, и чтения дне, и Да исправится:

Аще же не будет преждесвященныя.

И во вторник вечера, на Господи, возвах: стихиры Креста на 6, святых же мучеников 40 отдается праздник на часех, якоже указася в понедельник 2-я недели постов.

* * *

Аще ли случится 40 мученик в четверток великаго канона.

И поется служба их вся во вторник напредь тояжде недели.

* * *

Аще ли случится 40 мученик в субботу акафиста.

И поем службу их в неделю 5-ю постов.

СВЯТЫЕ 40 МУЧЕНИКОВ СЕВАСТИЙСКИХ

«В царство Лициния нечестивого» – так начинается житие 40 мучеников, в Севастийском озере мучившихся. Лициний (Ликий) (308–324) – зять и соправитель императора Константина I Великого (306–337), вместе с ним подписавший эдикт 313 года о свободе исповедания христианской веры. Но если императора Константина отличали государственная мудрость и благочестие, то для лицемерного и коварного Лициния это был вынужденный политическими обстоятельствами шаг. И после эдикта 313 года гонения на христиан в подвластных Лицинию областях продолжались.

В описываемое время (ок. 320) в городе Севастии (Малая Армения, в то время римская провинция) стояло римское войско во главе с военачальником Агриколаем, ревностным язычником. Перед военными действиями и в языческие праздники совершались тогда ритуальные жертвоприношения (после эдикта 313 года соблюдение этого ритуала целиком зависело от военачальника). В войске Агриколая находились 40 воинов-христиан, родом из Каппадокии (область, входившая в состав Византийской империи, ныне на территории Турции), отличившихся в боях мужеством и стойкостью. Из них трое: Кирион, Кандид и Домн были знатоками Священного Писания. Этых-то 40 человек решил Агриколай принудить принести жертвы языческим идолам.

Но воины отказались, сказав, что если в боях за царя земного они были неустрашимы (как он и сам говорил), то насколько тверже надо им стоять за Царя Небесного. Агриколай пригрозил им бесчестием и велел отвести в темницу. В темнице воины стали громко петь 90-й псалом «Живый в помощи Вышняго». В полночь им явился Господь, и услышали они слова: «Добр есть начаток изволения вашего, но претерпевый до конца, той спасен будет»

Наутро, уговаривая воинов отречься от Христа, Агриколай начал с похвал и обещаний. Услышав решительный отказ, он велел заковать их и бросить в темницу. Один из воинов, святой Кирион, остановил его, напомнив, что он не имеет права налагать оковы на воинов императора. Агриколай смутился и приказал отвести их в темницу, сняв оковы, сам же стал ждать прибытия правителя области, знатного сановника Лисия. Тем временем святой Кирион в тюрьме наставлял своих

товарищей: «Сдружившись на войне,— говорил он,— мы теперь становимся друзьями о Господе, чтобы не разлучаться во веки и вместе совершить христианский подвиг».

Прошло семь дней. По прибытии Лисия святых воинов вызвали на судебное разбирательство. Им вновь предлагали почести и награды, чтобы они совершили языческие жертвоприношения. Но святые ничуть не поколебались, твердо исповедуя веру в воплотившегося Сына Божия – Господа Иисуса Христа. В тюрьме, куда их увели, воины стали петь 122-й псалом: «К Тебе возведохом очи наши, Живущему на Небеси». В 6-м часу утра был им слышен глас Господень: «Верующий в Меня, если и умрет, оживет. Дерзайте, и не бойтесь мук кратковременных».

Когда их вновь привели на допрос, они заявили: «Мы, христиане, идолам не поклонимся, делайте с нами что хотите». И видели они, как диавол, с мечом в правой и змеей в левой руке, наклоняясь к Агриколаю, шепнул ему: «Ты уже мой, старайся». Агриколай велел связать всех воинов и вести их к озеру, бывшему близ города Севастии. Стояла зима, дул сильный ветер. Воинов раздели донага и поставили на льду посреди озера (в числе стражников был и тюремный сторож). День уже клонился к закату. На берегу топили баню: на случай, если кто не выдержит и захочет отречься, чтобы сразу мог и согреться в этой бане.

Ночью от мороза и сильного ветра тела воинов обледенели. Один из них в первом часу ночи не выдержал и, бросив своих товарищей, пошел к бане, но как только он с мороза очутился в тепле, так сразу «оттаял» и пал замертво. Святые же мученики молили Господа укрепить их. В третьем часу ночи заблистал над ними теплый свет, настолько теплый, что растопил лед. В это время вся охрана спала, кроме тюремного сторожа по имени Аглаий. Он слышал их молитвы и размышлял про себя, как это тот, прибежавший из холода в тепло, помер, а эти, на таком морозе стоя, еще живы. Пораженный внезапным светом над мучениками, он возвел глаза к источнику света и увидел тридцать девять венцов, сходивших с неба. Аглаий догадался, что тот, прибежавший в баню, отвержен от лика святых. Он немедленно разбудил спящую стражу, сбросил с себя одежду и побежал к тем 39-ти, громко крича: «И я христианин!» И, став между ними, воззвал: «Господи, в Тебя верую, причти меня к числу этих мучеников Твоих!» И снова их стало сорок человек – сошел и сороковой венец, и посрамлен был диавол. Они же стояли все вместе и пели 11-й псалом: «Спаси мя, Господи, яко оскуде преподобный».

На следующий день, удивленные тем, что святые не замерзли за ночь, мучители приписали это особому искусству, которому они где-то научились. Когда же увидели тюремного сторожа и узнали от других охранников, в чем дело, то пришли в ярость. Святых мученикам перебили голени железным молотом. Среди них был один совсем юный местный уроженец по имени Мелитон. Мать его, тоже христианка, испугалась, что он не выдержит пыток. Она встала при нем неотступно и уговаривала не страшиться. Святые мученики, умирая, свидетельствовали, что души их избежали работы вражией и что умирают они со Христом и во Христе.

Тела мучеников положили на колесницы и повезли на сожжение. Святого Мелитона, еще живого, подняла его мать и понесла следом. У нее на руках он и скончался. После сожжения на костре обугленные кости святых сорока мучеников Севастийских были сброшены в реку. Но Господь сохранил их. Спустя три дня мученики явились во сне блаженному Петру, епископу Севастийскому, и велели взять их останки со дна реки и предать погребению. Тот вместе с несколькими

клириками пришел ночью к реке, и увидели они, что кости, даже малая их частица, светятся в темноте. Собрав все кости, их перенесли в подобающее место.

Имена святых мучеников: Кирион, Кандид, Домн, Исихий, Ираклий, Смарагд, Евноик, Валент, Вивиан, Клавдий, Приск, Феодул, Евтихий, Иоанн, Ксанфий, Илиан, Сисиний, Аггий, Аетий, Флавий, Акакий, Экдит, Лисимах, Александр, Илий, Горгоний, Теофил, Дометиан, Гай, Леонтий, Афанасий, Кирилл, Сакердон, Николай, Валерий, Филоктимон, Севериан, Худион, Мелитон, Аглаий. Мученичество их о Господе началось 26 февраля, смерть же они приняли 9 марта. В этот день и празднуется их память.